

Հայկական ԽՍՀ-ից և ԼՂԻՄ-ից ԽՍՀՄ ժողովրդական դեպուտատների ՀԱՅՏԱՐԱՐՈՒԹՅՈՒՆԸ

ԽՍՀՄ ԺՈՂՈՎՐԴԱԿԱՆ ԴԵՊՈՒՏԱՏՆԵՐԻ ԻԻ ՀԱՄԱԳՈՒՄԱՐՈՒՄ,
1989 ԹՎԱԿԱՆԻ ԴԵԿՏԵՄԲԵՐԻ 12-ԻՆ

ԽՍՀՄ ժողովրդական դեպուտատների առաջին համա-
գումարը Գերագույն խորհրդին հանձնարարել էր ուսումնասի-
րել ԼՂԻՄ-ում տիրող իրադրությունը և հարցը քննարկել
նստաշրջանում: Սակայն, նստաշրջանի աշխատանքի վերջին
օրը՝ 1989 թվականի նոյեմբերի 28-ին, Գերագույն խորհրդի
նիստում հանձնաժողովի եզրակացության հրապարակման
ու քննարկման փոխարեն ԽՍՀՄ Գերագույն խորհրդի նախա-
գահության անունից ներկայացվեց որոշման նախագիծ, որը
նախագահությունում չէր քննարկվել: Այդ նախագծին նախա-
պես չէին ծանոթացվել նաև Գերագույն խորհրդի անդամնե-
րը: Գերագույն խորհրդի նախագահությունը լիովին անտե-
սեց տեղում պրոբլեմն ուսումնասիրած հանձնաժողովի կար-
ծիքը, պարտադրեց իր նախագիծն ու քննարկման իր սխե-
ման: Ի նշան բողոքի, ինչպես հայտնի է, Հայկական ԽՍՀ-ի
և ԼՂԻՄ-ի ժողովրդական դեպուտատները հարկադրված էին
հեռանալ դահլիճից: Հայ ժողովուրդը չճանաչեց այդ որոշու-
մը, որն իր արտացոլումը գտավ հայ ժողովրդի երկու մասե-
րի վերամիավորման մասին Հայկական ԽՍՀ Գերագույն
խորհրդի և Լեռնային Ղարաբաղի Ազգային խորհրդի համա-
տեղ որոշման մեջ:
Գերագույն խորհրդի ընդունած հապճեպ որոշումը չհամ-

գեցրեց լարվածության թուլացմանը՝ ռեգիոնում, ավելին՝ ի-
րադրությունը կտրուկ սրվեց: Հակառակ ԽՍՀՄ Գերագույն
խորհրդի որոշման, շրջափակումը այսօր էլ շարունակվում է:
Չեն դադարեցվում վանդալիզմի ակտերը, ուժեղացել է հայ
քնակչության բռնագաղթի հոսանքը:

Համոզված լինելով, որ դեպուտատների ճնշող մեծամաս-
նությունը անաչառ ինֆորմացիա չի ստացել հարցի էության
և ռեգիոնում տիրող իրադրության վերաբերյալ, Հայաստանի
և ԼՂԻՄ-ի ժողովրդական դեպուտատները ԽՍՀՄ Գերագույն
խորհրդի նախագահությունից պարզաբանումներ են պահան-
ջում երկրի պառլամենտի գործունեության դեմոկրատական
նորմաների և արարողակարգերի խախտման առթիվ: Հույս
և վստահություն ենք հայտնում, որ համագումարը չեղյալ
կհամարի Գերագույն խորհրդի սնանկ որոշումները և կձեռ-
նարկի այնպիսի Լրջոցառումներ, որոնք կպարտավորեցնեն
հարգել պառլամենտը:

Հայտարարությունը Հայկական ԽՍՀ-ից և ԼՂԻՄ-ից
ԽՍՀՄ ժողովրդական դեպուտատների հանձնարարու-
թյամբ հրապարակեց ԽՍՀՄ ժողովրդական դեպուտատ
Հ. ԻԳԻԹՅԱՆԸ